



## Fundargerð

**Svæðisráð vestursvæðis - 69. fundur svæðisráðs vestursvæðis haldinn Hvolsvelli, 28. september 2018, kl. 16:00.**

### Fundinn sátu:

Heiða Guðný Ásgeirsdóttir varaformaður, Heiða Guðmundsdóttir svæðisráðsfulltrúi, Ólafía Jakobsdóttir fulltrúi náttúruverndarsamtaka, Karl Ingólfsson varamaður, Sveinn Hreiðar Jensson fulltrúi ferðapjónustunnar, Erlingur Freyr Jensson svæðisráðsfulltrúi og Fanney Ásgeirsdóttir þjóðgarðsvörður.

**Fundargerð ritaði:** Fanney Ásgeirsdóttir, þjóðgarðsvörður.

### 1. Vestursvæði - svæðisráðsfulltrúar - 1809022

Farið yfir mannabreytingar og verkaskiptingu í svæðisráði.

*Nokkrar breytingar hafa orðið á svæðisráðinu í sumar. Nýir fulltrúar eru Erlingur Jensson, fulltrúi Ásahrepps, Sveinn Hreiðar Jensson, varafulltrúi Ferðamálasamtaka Suðurlands og Karl Ingólfsson, varafulltrúi SAMÚT. Í ljósi þess að formaður svæðisráðs baðst lausnar og varamaður hans tók sæti í ráðinu er eðlilegt að svæðisráð skipti með sér verkum á nýjan leik. Ákveðið að Heiða Guðný Ásgeirsdóttir, fulltrúi Skaftárhrepps og sitjandi varaformaður taki við formennsku að nýju út skipunartímabilið og Erlingur Jensson verði varaformaður. Nýir fulltrúar eru skipaðir til árs, þar sem svæðisráð er þá skipað að nýju. Formaður felur þjóðgarðsverði að tilkynna breytingar og kalla eftir nýjum skipunarbréfum.*

### 2. UNESCO - 1808005

Heimsókn fulltrúa o.fl.

*Karl Ingólfsson, fulltrúi SAMÚT áréttar þá skoðun samtakanna að þau eru hlynnt UNESCO umsókninni, en gera athugasemdir við bókun í fundargerð svæðisráðs vestursvæðis frá 1.6.2017, eins og fram kom á fundi með sendinefnd UNESCO á Kirkjubæjarklaustri þann 24.9.*

### 3. Vestursvæði - Gestastofa - 1805024

Staða mála varðandi væntanlega gestastofu á Kirkjubæjarklaustri. Fyrirhugaður er verkkaupafundar vegna áætlanagerðar við gestastofu á Kirkjubæjarklaustri. Pétur Bolli Jóhannesson, verkefnastjóri hjá Framkvæmdasýslu ríkisins, boðar framkvæmdastjóra, þjóðgarðsvörð vestursvæðis, aðila frá Umhverfis- og auðlindaráðuneyti og hönnuði til fundar þann 10. október nk.

*Þjóðgarðsvörður gerir grein fyrir væntanlegum fundi framkvæmdastjóra og þjóðgarðsvarðar með Framkvæmdasýslunni.*

### 4. Vestursvæði-leigusamningar - 1805016

Leiga á Þverá og þörf á að finna aðrar leiðir.

*Ekki hefur tekist að hafa upp á leigusamningi vegna Þverár. Formanni er falið að kanna*

stöðu mála.

## 5. Vestursvæði - 2019 framkvæmdir og rekstur - 1809021

Fyrstu drög að framkvæmda- og rekstraráætlun næsta árs. Búið að senda inn drög að launaáætlun og starfsmannahaldi fyrir 2019, miðað við þörf á svæðinu. Lagt upp með sama starfsmannafjölda í grunninn en stefnan að geta lagt til 45 vaktir í viðbót í Hrauneyjum, svo hægt sé á ný að vera með þrjú starfsmenn þar alla daga og 30 vaktir í viðbót í Nýjadal svo þar séu tveir landverðir á háönn. Í allt er áætluð hækkun launakostnaðar um 5 milljónir. Hluti af því kemur einnig til vegna samningsbundinna launahækkana.

Nokkur verkefni bíða komandi árs: Endurnýjun gönguleiðabæklinga vestursvæðis, endurnýjun á nokkrum skiltum, endurnýjun rafgeyma í Blágiljum.

Svo er úthlutun úr Innviðasjóði, 20 milljónir á árunum 2019-2020, vegna þurrsalernis við Kolufell.

*Karl Ingólfsson bendir á að ástæða sé til að endurskoða bæklingana - og merkingar í Snapadal með tilliti til ýtrustu náttúruverndar. Svæðisráð fer fram á að fá að lesa yfir nýja bæklinga áður en til prentunar kemur.*

*Aðrar framkvæmdir, ábending að væri lagt meira í að laga vegina, fyllt upp í pollana, væri það öflug náttúruvernd.*

Fleira ekki rætt og fundi slitið kl. 17:46

---

---